



*Minggu, 08 September 2024*

**Ogen: Kejadin 27:42-48**



**NGELABUH**



Nina pepatah, kai si sisuanndu e ka nge si iperanindu. Sisuan pengajaren si la mehuli pasti ulihna siperani si la uli ka nge. Sisuan biak persaingan pasti la siarap siturah perubaten ras nembeh ate. Banci saja si ajar ken ras silakoken kita genduari nandangi anak-anakta turah mehumur i bas ukurna seh makana i bas paksa si reh la kita ngasup ndungisa. Bage me Ribka, kenca erbage 'drama' siilakokenna pasti tereteh nge janah erbahan rawa si mbelin. Bage me rawana Esau kenca meteh kai si jadi seh pe ibunuhna anatena agina. Janah perubaten ras perukuren enda tentuna sue ras benih si enggo iambur Ribka selaku nande.

E maka 'skenario' reh gedangna, megi sura-sura Esau maka idilo Ribka si Jakub nuriken kai si enggo ietehna. Isuruhna Jakub lawes ku kuta asalna, ndahi turangna (mama Jakub ) si Laban gelah selamat si Jakub. Sura-sura Jakub ngaloken pasu-pasu kedungenna berhadapen ras kematen. Sada anak ersura-sura munuh, janah anak si sada nari me si atena ibunuhna. Tentuna kecibal sibagenda mberatkal, ngelabuh Ribka ngidah kecibal anakna duana. Alu pedah, denggo isuruhna sierlegi dikune enggo lupa Esau nandnagi si jadi e, la atena bene duna anakna i bas sada wari. Sienda tentuna labo sitik pe iarapken Ribka sanga ia ngerancang drama si enggo ilakokenna e. La ndauh si ukuri kai si rencanakan ras silakoken kita. Seh maka lanai terdungi kita persoalen e seh maka kegeluhen me si terancam. E maka perlu kal kita manjar-anjar ngukuri kai sirencanakan kita nandangi masa depan anak-anakta. Meteget nandangi pengajaren sisehken kita. Janah rimbang tengah kita rukur nandangi anak, jabu ras kerina pertemanen si lit gelah la kita ngelabuh ras 'terjebak' i bas rencana si bahan kita.



Jadilah nande si nuanken benih pengajaren si maba perdamen.